

第一百一十七冊

卷二百二十二

義行傳一

卷二百二十三

義行傳二

卷二百二十四

義行傳三

新纂雲南通志

盧

漢

題

簽






新纂雲南通志

盧慎超

共



新纂雲南通志卷一百二十二目錄

義行傳一

雲南府

明

王護

劉連璧

甘旨

畢耕

傅以恭

趙禧

張超

孔師陳

周國盛

王寬

王一清

羅廷寶

楊起龍

楊墀

文俊德

楊泰字

清

邱儲秀

李化鵬

董正經

董應麟

袁宏

竇觀光

陳印瑞

楊御乾

陳清

涂崇

胡蔚文

吉一祖

王瑋

杜世美

董紹祖

梁祖武

劉天瑞

胡聯科

秦睿

張天全

趙連城

楊元升

楊文源

張耀

黃泰受

李天相

周琇

畢允

于宗周

王開緒

楊汝蘭

周鳳岐

許汝棟

李德銓

孫滢

馬銓

顧鍾

趙玉華

萬徵衡

鄭鶴齡

李壽朋

李燁

王世才

趙運

寸文林

吳鳳林

楊濬

陸圻

大理府

明

趙壽

吳讓

杜彥恆

李時

楊雨

史大經

張聚奎

楊舟

楊俊聲

楊魁英

趙天錫

徐進卿

熊化

陸與進等

楊仲

清

蘇士俊

劉源濬

楊啟槐

張撰

李先

金淇

趙菖

熊思注

閻鳳巢

譚炳

廖維珍

王汝材

萬昌

侯允欽

尹體達

李玉樹

鄭國珍

王武烈

李大川

李王謝

馮國冬

王延慶

李大夫

劉錫登

王光祿

高昌

劉允允

侯賢發

金用

彭昌

熊思君

關鳳巢

韓文祿

蕭士衡

陳應春

謝煥燭

張野

李夫

大

翁世祿

蕭

謝

吳大

張

謝

謝

謝

新纂雲南通志卷二百二十二

義行傳一

論者謂我國人缺乏公德心其原因複雜固屬無可諱言然而歷觀史冊暨各省志乘急公好義之士時時有之如建橋修路造林興水利設義塾助婚喪以及育嬰矜孤恤寡濟貧賑饑養疾施棺掩骼諸善舉抑或糾集鄉兵捍衛桑梓何嘗非公德心之所表現者哉故本志爲提倡公德心計特立義行一門凡鄉先達之樂善好施與毀家紓難者悉予採入其他如不拾遺不再娶之義士亦附錄之使後之人聞風而興起焉

雲南府

明

王護晉寧人正德間輸粟賑濟詔表其門

萬曆志

劉連璧富民人庠生家貧盡孝遇死而無主者瘞之孤獨有疾者以

藥濟之平生多隱德

雍正志

甘旨字汝孝昆明人樂善好施郡中貧乏多所依賴輸粟助邊授以

官弗受嘉靖間滇中歲饑出粟濟民全活甚衆有司上其事欲旌之

力辭優游山水以終其身

雍正志

畢耕昆明人事親至孝嘗入蜀得遺金不取鄉人貧而貸者輒焚其

券不責償

雍正志

傅以恭字默庵安寧人嘉靖間貢生任興文訓導生平取與不苟里

居後常捐資周卹貧乏

雍正志

趙禧字念庭安寧人嘉靖間貢生任鎮雄教諭造士以德行為先有

穀率以貸友之貧者友歿即焚其券貸於人者必償曰庶可見知己於地下也

參雍正志
安寧州志

張超字近鵠易門人崇禎五年野賊爲亂偕妻李氏逃匿遇賊逼之超促婦行婦曰君當速避妾自捐軀超曰汝能完節吾誓不娶婦投井死超遂鰥居終身有勸之謀嗣者曰吾已許之矣不能食吾言也寄居僧寺撫其兄子爲嗣

易門
縣志

孔師陳昆明人以從軍得官值孫可望李定國等入滇糾合晉寧呈貢諸州縣兵拒賊

明史席上
珍附傳

周國盛宜良人爲邑掾吏明制御史出巡每縣當揭蠹吏一人時臺檄已下國盛即自劾邑令詰之對曰邑無蠹可揭吏不得誣人而功令不得不報吏願當之邑令嗟歎以爲難遂白之巡按嘉其義得免

王寬字居之羅次人諸生性狷介少喪妻入贅徐氏撫其孤徐前夫有遺金付寬寬封識不啓迨後孤子成立寬延戚黨出遺金授之而挈徐氏婦邑人咸高其義

羅次縣志

王一清羅次人居溪木嶺爲逆旅主人有客遺金於枕下一清得之是日遂不出候遺金者至還之客請分半一清不許客歎息而去

羅次縣志

羅廷寶號方塘安寧人萬曆間以異才授山東鄒平縣丞告養歸田施棺槨親戚有喪不能舉者助之鄰里有水災不能出門戶輒以米相贈其他隱德多類是年九十一終

參雍正志
安寧州志

楊起龍字見田安寧人幼補諸生天性仁厚好施與犯而不校天啟間歲大饑出粟賑貸每歲終鄰里親舊貧乏者餽之逋欠不能償者

焚其券次子泰弱冠登賢書仁厚相繼

安寧州志

楊埤字秀若羅次人少習舉業制行純篤以厚德稱授徒不責脩脯

常有人盜其蔬果見而避之聽其人自去他事類多如此

羅次縣志

文俊德字士賓一字秋水呈貢人祖堯子明季諸生敦品善施鄉里稱善人有陝人陳國能蜀人魏正字者落魄至呈病且死俊德憐之助以醫藥周以衣食病愈資遣回籍後二人從孫可望入滇永曆丁亥六月廿四日流寇屠呈貢其酋誠勿擾文善人家以獲全且全活鄰里數十戶以二人感文氏恩故報之耳鼎革後俊德仰承先志隱居不出吳三桂召之力辭以免著有餘生隨詠醉禪草

參趙藩文介石先生父子遺詩序秦光玉

明季滇南遺民錄

楊泰字楊林人秉性直質與友言性赴大理爲商賈業言有子不得

於父久斥在外言染疾將不起以貲八百金屬泰宇移柩歸餘悉見
贈既死泰宇如言殯斂而走書與其子仍以原金與之其子感激分
半以謝泰宇堅不受

雲南府志

清

邱儲秀字濬祥嵩明人諸生值明清交爭士女流離儲秀率衆哭訴
於經略洪承疇承疇爲戢士卒民困以甦又以歲飢道殣相望出米
倩人掩埋人咸以爲義舉

嵩明州志

李化鵬字飛霄晉寧人民季寇賊蠭起遠近騷然化鵬居錦川里倡
率族衆及他姓子弟環村置柵爲守望獨向里門踞坐賊莫敢近以
故錦川里未撓兵燹及時平安貧力農終其身

晉寧州志

董正經字載九安寧人自幼食貧以力田起家創建祖祠以篤宗誼

又捐資修東西大道至歲除輒以錢米周給親友及鄉人之貧乏無

依者

道光志

董應麟昆明人康熙間與妻張氏創造滇緞里中化之皆勤於織又捐貲置田入學宮爲祭祀資諸生鄉試童子歲科兩試卷金皆取給

焉嗣是里中科第不絕

道光志

袁宏字世輔安寧人性好游俠吳三桂之變清師復滇時三桂殘騎與魯奎野賊肆掠宏間道赴大將軍營投誠請令招安禦侮城賴以全復以將令直入賊巢縱遣鄰境婦女千計各還親族其父母有持

鏹泣謝者概不受人以爲有古豪士風

安寧州志

竇觀光字景儀昆明人貢生性和厚與人交終始如一閭黨有以急難告者勉力相助無所吝鄉人有過輒以善導之卒之日哀哭滿道

雍正
志

陳印瑞昆明人事親以孝聞有謝姓者託以三百金後謝物故訪其子還之舊郡守梅某遺一孫女無依印瑞爲擇嫁後以子時夏貴贈

如其官

雍正
志

楊御乾昆明人業醫好施與康熙辛酉壬戌間疾疫盛行合藥濟人歲施楫柎無算家以此落弗顧也後家止餘古玩器數種有老友病斷炊借易薪米即與之生平行事多類此以子永斌貴贈如其官

雍正
志

陳清嵩明人諸生與霑益諸生余聯甲遊東川時土官祿永明死非其命子應龍襲職後又爲小安氏所殺康熙二十七年四川巡撫委官勘慰者海營長者沙都疑而未受清與聯甲在其幕請受之比見來文有忠心保護祿應鳳之語應鳳者應龍弟也遂力勸沙都宜奉

朝命勿懼小安氏強橫沙都妻安氏素賢能皆應諾將立應鳳小安氏來爭印安氏禦之不能克二生出奇兵勝之小安氏敗而復振二生與沙都併力合謀卒敗小安氏送應鳳承襲盡心輔導未幾沙都死小安氏密遣人刺殺應鳳城內人民皆逃二生獨守不去沙都子秉忠懼小安氏侵者海挈家過江二生馳往說秉忠母令秉忠來收葬應鳳並聞於川省大吏迎應鳳母祿氏掌印求得刺應鳳者戮之又以小安氏日益猖獗終不得安竟與祿氏及秉忠定議改土歸流二生之力居多

東川府志

涂崇昆明人貢生七歲喪母哀毀如成人事繼母以孝聞業師唐介和貧老無嗣崇迎養於家又昌言於總督范承勳移建府學修置祭田祭器實心任事士林稱之後選授廣南府學訓導卒

雍正志

胡蔚文字光斗昆明人循例得州同銜嘗倣范仲淹義田法置田一百三十餘畝以其入延師教族中子弟時大學士陳宏謀方爲布政使議設義學蔚文請以所置田分資各館於是教澤益廣又建屋百八十間以六十間爲敬老堂使老而無依者入居之月給薪米歲給衣履襦袴以百間處未老而貧者餘二十間分爲二區其貧子婚嫁不能賃居及道路流離之孕婦將免身者使各居一區皆有餽遺彌月聽其遷去其他義舉尙多鄉黨稱爲善士云

樂恆胡義士傳

吉一祖羅次人康熙間居縣屬之吉家營性豪俠兼有膂力營附近十餘里土質肥沃最宜種植惟無水源一遇雨澤愆期即荒蕪不耕一祖察知三十餘里外有瀑布一道約村人開溝引渡以資灌溉村人以其河流甚低無法引渡咸笑其癡一祖乃相度地勢自信其功

可成隻身運石填低越九年始將瀑布引至對面山腰村人見其功可成乃相率開通溝道由此源泉混混旱不爲災吉家營蔴地大馬官營街心等七村千餘戶至今猶被其澤

採訪

王瑋字學山易門人雍正己酉貢生敦孝友樂施與易門初無女紅瑋建祁豐祠以興紡織晚精歧黃雖遠必赴雖深夜必至不以貧富有異嘗謂家人曰救疾如救火視人痛當如己痛鄉里稱之

師範
演繁

杜世美祿豐人諸生乾隆元年移學入城世美與其役承先人志立家祠置祭田以供四時享祀設塾延師訓課族人復建義宅以濟娠婦邑人多之

道光
志

董紹祖字橋松易門人少失恃事繼母菽水承歡養志無怠見人不給則委曲周濟之而已避其名弗居受之者亦不覺也有僧某與紹